



Գերմանիայի
Դաշնային Հանրապետության
դեսպանություն
Երևան

Ինքնագրադ և ազատ մասնագիտական գործունեություն (միայն Գերմանիայի համար)

Վիզայի համար դիմում ներկայացնելը

Դիմում ներկայացնելու համար անհրաժեշտ է նախապես հերթագրվել: Հերթագրվել կարող եք միայն առցանց եղանակով: Առցանց հերթագրման համակարգ կարող եք մուտք գործել դեսպանության կայքի միջոցով. www.eriwan.diplo.de :

- Ոչ գերմանալեզու փաստաթղթերը՝ բացառությամբ անձնագրի տվյալների էջի, պետք է ներկայացնել գերմաներեն հաստատված թարգմանությամբ:
- Վկայականները, դիպլոմները և նմանատիպ փաստաթղթերը պետք է ներկայացնել բնօրինակով և ապոստիլով/լեգալիզացիայով: Բնօրինակները կվերադարձվեն:
- Վիզայի համար հնարավոր է, որ անհրաժեշտ լինի ԳԴՀ աշխատանքի դաշնային գործակալության (Bundesagentur für Arbeit) և համապատասխան վայրի Օտարերկրացիների հարցերով մարմնի (Ausländerbehörde) համաձայնությունը: Վիզան կարող է տրվել միայն, երբ դեսպանությունը ստանա այս համաձայնությունները:
- **Դիմումի քննությունը և մշակումը սովորաբար տևում է 6 - 14 շաբաթ**, առանձին դեպքերում՝ ավելի երկար:
- Ավիատոմսի ամրագրում վիզայի համար չի պահանջվում, խնդրում ենք ավիատոմս ամրագրել միայն վիզա ստանալուց հետո:
- Դեսպանությունն իրեն իրավունք է վերապահում պահանջել լրացուցիչ փաստաթղթեր: Լիարժեք դիմում ներկայացնելը դեռևս բավարար հիմք չէ վիզա ստանալու համար: Ոչ լիարժեք փաստաթղթերը կարող են դանդաղեցնել գործընթացը և հանգեցնել դրանց վերադարձի կամ մերժման: Դեսպանություն ուղարկված այն ֆաքսերը կամ գրությունները, որոնց վրա բացակայում է վիզայի գործի համարը, չեն տեսակավորվում և չեն կցվում գործերին:
- **Խնդրում ենք դիմումի վերոնշյալ մշակման ժամանակահատվածում, ձեռնպահ մնալ դիմումի ընթացքի վերաբերյալ հարցումներ անելուց:** Այդ հարցումները էապես ծանրաբեռնում են վիզայի բաժնի աշխատանքը, այդ պատճառով վիզայի բաժինը չի կարող պատասխանել:
- Վիզայի վճարը կազմում է 75 եվրո, որը վճարվում է դրամով՝ դիմումը հանձնելիս:
- Բոլոր փաստաթղթերը (հատկապես անձնագրի պատճենները) պետք է **ներկայացնել A4 ձևաչափով**՝ առանց ամրացնելու, կարելու և թափանցիկ թղթապանակների:

Մկգրունքորեն բոլոր փաստաթղթերը պետք է ներկայացնել բնօրինակով և մեկական պատճենով:
Խնդրում ենք փաստաթղթերը դասավորել այսպես.

- բոլոր բնօրինակ փաստաթղթերը՝ ստորև նշված հերթականությամբ.

- Դիմում-հարցաթերթիկը՝ հայտարարության հետ միասին, և բոլոր թվարկված փաստաթղթերի ընթացքի և ոչ մուգ պատճենները՝ ստորև նշված հերթականությամբ.

Անհրաժեշտ փաստաթղթեր

Այս հուշաթերթիկի բոլոր տվյալները հիմնված են այն գրելու պահին դեսպանության ունեցած տեղեկությունների և վերլուծությունների վրա, ուստի դեսպանությունը չի կարող երաշխավորել հուշաթերթիկի լիարժեքությունն ու ճշգրտությունը հատկապես ընթացիկ փոփոխությունների պատճառով:

Կոնտակտային ընթացիկ տվյալները, ինչպես նաև հեռախոսազանգերի ժամանակացույցը կարող եք գտնել կայքում. <https://eriwan.diplo.de/>

- գերմաներենով կամ անգլերենով լիարժեք լրացված դիմում-հարցաթերթիկ՝ ներառյալ Կացության մասին դաշնային օրենքի §54-ով սահմանված իրազեկումը: Հարցաթերթիկը կարող էք գտնել դեպքայնության կայքում՝ սույն հղումով. <https://videx-national.diplo.de>,
- լիարժեք լրացված և ստորագրված հայտարարություն հասանելիության ([հղում](#)) վերաբերյալ,
- 2 նոր, բիոմետրիկ լուսանկար, մեկը խնդրում ենք սուսնձել դիմում-հարցաթերթիկներին,
- գործող ճամփորդական անձնագիր՝ ելքի կնիքով, վավերական ամենաքիչը 6 ամիս ամիս: (Անձնագրում պետք է լինի առնվազն երկու դատարկ էջ, իսկ վավերականության ժամկետը չպետք է գերազանցի 10 տարին)
- անձնագրի այն էջերի պատճենները, որտեղ առկա է կնիք, այցագիր կամ որևէ այլ նշում
- կրթության և աշխատանքային գործունեության վերաբերյալ առանց բացթողումների ինքնակենսագրություն գերմաներենով կամ անգլերենով,
- որակավորման և աշխատանքային փորձի վկայականներ (օր.՝ դիպլոմ, աշխատանքային գրքույկ, վերապատրաստման վկայականներ և այլն, անհրաժեշտության դեպքում՝ թարգմանությամբ,
- եթե վերաբերում է՝ արդեն առկա լեզվական գիտելիքների վերաբերյալ վկայականը,
- 45 տարին լրացած անձանց պարագայում՝ կենսաթոշակային բավարար ապահովության մասին ապացույց, օրինակ՝ ցանկացած ձևի սեփական կարողություն, արտերկրում կամ հայրենիքում ձեռք բերած կենսաթոշակային երաշխիքներ, ձեռնարկատիրական կարողություն,
- Բժշկական բավարար ապահովագրական պաշտպանվածության վկայական Եթե օրենքով սահմանված բժշկական ապահովագրության շրջանակում Ձեր ապահովագրական պարտավորությունը պետք է իրացնեք Դուք՝ որպես աշխատող, ապա պետք է նկատի ունենաք, որ այն սկսելու է գործել միայն Ձեր՝ Գերմանիայում բնակության վայրում հաստատվելու և աշխատանքային գործունեությունը սկսելու պահից: Եթե Դուք ավելի շուտ եք մուտք գործելու Գերմանիա, Ձեզ հարկավոր է մինչև աշխատանքային հարաբերության մեկնարկը և օրենքով սահմանված բժշկական ապահովագրության մեջ Ձեր ներառվելը կնքել ժամանակավոր՝ մասնավոր բժշկական ապահովագրություն: Ճամփորդական բժշկական ապահովագրությունները, հնարավոր է, չապահովեն ապահովագրական պաշտպանվածություն Ձեր ապահովագրության պայմաններում, եթե նախատեսված է երկարաժամկետ և տևական կացություն: Հնարավոր է, որ այսպես կոչված „incoming“ ապահովագրությունները նույնպես չապահովեն այդպիսի պաշտպանվածություն:

Ինքնազբաղ անձինք պետք է ներկայացնեն հետևյալ լրացուցիչ փաստաթղթերը.

- Բիզնես գաղափարի կառուցվածքային և մանրամասն նկարագրությունը, ներառյալ
 - ընկերության պրոֆիլը
 - բիզնես պլանը
 - բիզնես հայեցակարգը
 - անհրաժեշտ կապիտալի պլանը և ֆինանսավորման պլանը
 - անձնական որակավորման նկարագրությունը
 - շուկայի և մրցակցության վերլուծությունը
 - շուկայագիտական ռազմավարությունը և
 - եկամտի կանխատեսումը. շահույթի և կորուստի հաշվարկում, վճարունակության կանխատեսում
 - հեռանկարային հնարավորությունները

Այս հուշաթերթիկի բոլոր տվյալները հիմնված են այն գրելու պահին դեպքայնության ունեցած տեղեկությունների և վերլուծությունների վրա, ուստի դեպքայնությունը չի կարող երաշխավորել հուշաթերթիկի լիարժեքությունն ու ճշգրտությունը հատկապես ընթացիկ փոփոխությունների պատճառով:

- անհրաժեշտության դեպքում՝ լրացուցիչ տվյալներ այն աշխատատեղերի և/կամ մասնագիտական կրթության տեղերի մասին, որոնք ենթադրվում է՝ կստեղծվեն Ձեր գործունեության շնորհիվ
 - պարզաբանում՝ որքանով Ձեր գաղափարը դրականորեն կանդրադառնա նորարարական և գիտահետազոտական ոլորտների վրա: Նախատեսվող ֆինանսավորման վերաբերյալ տվյալները պետք է հիմնավորված լինեն համապատասխան փաստաթղթերով:
- անհրաժեշտության դեպքում՝ լրացուցիչ վկայականներ կամ տեղեկանքներ

ազատ մասնագետները պետք է ներկայացնեն հետևյալ լրացուցիչ փաստաթղթերը.

- մտադրության կառուցվածքային և մանրամասն նկարագրություն՝ հնարավորինս հիմնավոր ապացույցներով,
- ֆինանսավորման պլան կամ ապացույց՝ մտադրությունը սեփական կապիտալով կամ տրամադրված վարկով ֆինանսավորելու մասին,
- մասնագիտական որակավորումը,
- միջին մասնագիտական կրթության վկայականը,
- համապատասխան աշխատանքային փորձի և վերապատրաստումների մասին տեղեկանքներ,
- դպրոցական կամ բուհական ավարտական վկայական,
- անհրաժեշտության դեպքում՝ այլ տեղեկանքներ կամ ապացույցներ:

Դեսպանությունը հուշում է, որ համաձայն Կացության մասին օրենքի §82-ի՝ յուրաքանչյուր դիմող պարտավոր է ապահովել դիմումի լիարժեքությունը, եթե որևէ փաստաթուղթ բացակայում է, դեսպանությունը համարում է, որ այն չի կարող ներկայացվել:

Կարևոր ցուցումներ

Ձեր ուշադրությունն ենք հրավիրում այն հանգամանքի վրա, որ **դեսպանության շենքում վիզաների բաժնի պատուհանի մոտ** գանձվող այցագրի վճարից բացի այցագրի համար դիմելիս այլ վճար նախատեսված չէ:

Դեսպանությունը չի **համագործակցում** որևէ տուրիստական ընկերության հետ: **Դա վերաբերում է նաև դեսպանության անմիջական հարևանությամբ գտնվող ծառայություններ մատուցող գրասենյակներին: Ճամփորդական կամ այլ ծառայություններ մատուցող գրասենյակների աշխատակիցների պնդումներն այն մասին, որ իրենք համագործակցում են դեսպանության հետ, չի համապատասխանում իրականությանը:**

Ոչ ոք չի կարող ազդել Ձեր դիմումի հաջողության հեռանկարի վրա, քանի որ դիմումների վերաբերյալ որոշում է կայացնում բացառապես գերմանացիներից բաղկացած անձնակազմը: Եթե Ձեզ այլ բան են խոստանում, ապա Ձեզ փորձում են խաբել: Ոչ մի դեպքում փող մի՛ վճարեք:

Այցագրի հետ կապված հարցերի մասին արժանահավատ տեղեկություն կարող եք անվճար ստանալ դեսպանության վիզաների բաժնի աշխատակիցներից: Այլ անձինք տեղեկություններ տրամադրելու իրավասություն չունեն:

Այս հուշաթերթիկի բոլոր տվյալները հիմնված են այն գրելու պահին դեսպանության ունեցած տեղեկությունների և վերլուծությունների վրա, ուստի դեսպանությունը չի կարող երաշխավորել հուշաթերթիկի լիարժեքությունն ու ճշգրտությունը հատկապես ընթացիկ փոփոխությունների պատճառով:

Այս հուշաթերթիկի բոլոր տվյալները հիմնված են այն գրելու պահին դեպքերի ունեցած տեղեկությունների և վերլուծությունների վրա, ուստի դեպքերի ունեցած չի կարող երաշխավորել հուշաթերթիկի լիարժեքությունն ու ճշգրտությունը հատկապես ընթացիկ փոփոխությունների պատճառով:

Կոնտակտային ընթացիկ տվյալները, ինչպես նաև հեռախոսազանգերի ժամանակացույցը կարող եք գտնել կայքում. <https://eriwan.diplo.de/>